

Scriptores Sacri retinent nomina Syria, Ægyptiaca, Persica &c.
Et si nomina illa vel maximè invariata non relinquntur, sed pa-
rum per tantum ad lingvæ suæ flexionem accommodata mutentur,
tamen suam originem primam minimè negant. Nostræ etiam sen-
tentiae ad stipulantur ferè omnes Doctores tam Ebræorum, quæ
Christianorum, quorum longus Catalogus videri potest in *Dissert. i.*
Dissert. Philologico-Theol. Buxtorf. Conf etiam Magnif. Dn D. Calov.
in Critico S. Diatr. 3. p. 75. & in Bibl. illustr. ad Gen. XI. p. 270. seqq. Ve-
*nerandum Seniorem nostrum Dn. Sennertum in *Dissert. de Lingv. Ebr.*
*p. 14. & Pfeiff. in *Dissert. de Lingva Protopl. nec non Qvæst. 3. Diss. i.*
*Synops. nob. atq; s.l. è Pbil. S. Qvæst.***

§ 6. Cùm itaque constet, lingvam primam & antiquissimam,
quæ sola ante confusionem Babyloniam viguit, Ebraicam esse,
porro dispiciendum, an etiam, & ubi illa in & post confusionem lin-
lingvarum manserit? Quod enim certo Dei consilio, & sapienti
eius providentia, alicubi & inter quosdam salva & superstes man-
serit, de eo cùm experientia ipsa testetur, & testata sit, nullus dubi-
sationi locus restat.

§. 7. Putant nonnulli, Lingvam Ebræam in multis familiis
& locis, ut in Syria, Assyria & terra Chanaan ac in posteris Chami in-
corruptam mansisse. Et hujus sententia sunt Gilb. Genebrardus in
Chronol. sua Lib. I. p. 33. Joseph. Scaliger in Epistola quædam ad
Richardum Thomsonum, & in alia ad Stephanum Ubertum. Tho-
mmas Erpenius in Oratione de Lingva Ebræa, & alii, qui tamen ipsi
non concordant inter se, sed maximè variant. Qvia vero prolixè
*hac de re egit & ei satisfecit Cl. Buxtorf. in *Diss. Dissert. Philologi-*
*co-Theol. actum agere nolumus.**

§. 8. Sed nos dicimus, Lingvam hanc Ebræam in una tantum
certâ familia in & post confusionem esse conservatam, quæ juxta
communem Doctorum tam Ebræorum quam Christianorum sen-
tentiam Eberi fuit, Schemi pronepotis. Hæc namque familia non
consensit in impium & flagitiosum fabrorum Babyloniorum
consilium, ut infra videbimus: quapropter probabile non est, il-
lam pœnam illorum expertam esse, quorum culpæ se non reddidit
participem. Neque etiam tempore confusionis fuit dispersa more
aliarum familiarum per terras, sed inconcussa tunc in suis sedibus
permansit, donec Abrahamus speciali vocatione inde evocatus fuit.